



UNIVERSITÄTS-
BIBLIOTHEK
PADERBORN

Universitätsbibliothek Paderborn

Illvstrivm Miracvlorvm Et Historiarvm Memorabilivm Lib. XII

Caesarius <Heisterbacensis>

Antverpiae, 1605

De Eruuino sacerdote, qui corpus Domini in missa perdidit, cap. 58.

urn:nbn:de:hbz:466:1-13177

posset cum Psalmista: Auertisti faciem tuam à me, & factus sum conturbatus. Spero quòd postea vitam suam emendauerit. Quibusdam etiam sacerdotibus indignè conficientibus pius Dominus sacramentum subtrahit, ne sibi ad iudicium sumant.

CAPVT LVIII.

Quidam sacerdos, Ervvinus nomine, Coloniae in ecclesia beati Petri Apostoli ad altare sanctae crucis Missas celebrare consuevit: hic cum die quadam post transubstantiationem hostiam deponeret, de altari rotabatur: quam cum ubique circa altare quæreret, & populus cum eo, non est inuenta. Haud dubium, quin per manus sanctorum angelorum perlata sit in sublime altare Dei, ne sacerdos luxuriosus eam sumeret ad suam damnationem: habebat enim concubinam suam manifestè. Simile habes in distinctione secunda capitulo quinto, de sacerdote cui columba ob fornicationem sacramentum tulit. Alij sunt sacerdotes circa sacramentum altaris tam negligentes, & tam indeuoti, ut ex consuetudine conficiendi, corpus Domini à cibis aliis non discernant.

CAPVT LIX.

Abbas Daniel de Sconauia, cum Prior esset apud nos, sicut ipse nobis retulit, celebrandi gratia capellam sancti Reinoldi, quae sita est iuxta ecclesiam sanctorum Apostolorum in Colonia, intrauit: qui cum sacerdotalibus fuisset indurus, & populus ad audiendam Missam per nolam conuocatus, cum calicem præpararet, particulam crudae carnis illi intrinsecus reperit adhaerentem. Territus valde, cum deliberaret utrum sibi esset celebrandum vel cessandum, populum timens scandalizare, si vestes exueret, panem calici superposuit, vinum & aquam infudit, sicque celebrans, totum simul sumpsit. Dicta missa requisit ab inclusa, cui calix commissus fuerat, quis nouissimè in eodem calice celebrasset: quae respondit, Dominus talis, nomine eum designans. Erat enim dictae ecclesiae sanctorum Apostolorum Canonicus sacerdos secularis nimis, modicum vel nihil habens religiositatis.

tis,